



事物紀

原

五

13
1715
6



宮本氏文庫  
No. 11  
第 6 册  
全册數 11 册

門 1 如 3  
號 1715  
卷 11-6

研究室



新刻事物紀原卷之五

凡六部共一百九十六事

錢唐 胡文煥 德甫 校正

三省網轄部第二十二

凡四十八事

侍中

環濟要略曰古官也風后為黃帝侍中周有常伯  
 見尚書立政秦漢為侍中徐堅初學記曰秦取古  
 官制本丞相史也丞相使史五人來往殿中奏事  
 故謂之侍中後魏始為樞密之任梁又以為宰相  
 職事唐侍中與中書尚書二令並為真宰相矣

事物紀原卷五

門下侍郎秦官秦有黃門侍郎歷代不改與侍中俱管門下衆事凡禁門黃闥故號黃門其官給事於黃闥內故云唐天寶元年改曰門下唐百官志云二年也  
散騎尚書立效秦散騎中常侍本二官魏文帝黃初初合秦置散騎又置中常侍本二官魏文帝黃初初合散騎常侍爲一官唐顯慶中分左右左隸門下右中書也  
給事  
秦置通典曰加官也初秦漢別有給事黃門之職

後漢有給事黃門侍郎左右給事中以有事殿中故曰給事中獻帝時去給事黃門侍郎後周有給事中士別置給事中在六官外隋初開皇六年始於吏部置給事郎煬帝移爲門下職唐武德三年改給事郎爲給事中  
夕拜  
漢給事中故事每日暮時入對青瑣門拜故謂之夕拜亦爲夕郎  
諫議  
秦置諫大夫後漢光武增爲諫議大夫歷代不改

唐龍朔中屬中書開元後歸門下正元四年五月  
分左右以右隸中書

二起居

周有左右史王言則左史書之動則右史書之蓋  
起居之本也漢武有禁中起居後漢馬后自撰明  
帝起居注則其事似在宮中古女史之職也此始  
有起居之名魏晉以降著作掌之後魏有置起居  
令史別置修起居注隋煬帝置起居舍人唐正觀  
二年於門下省置起居郎顯慶中復於中書置起  
居舍人以郎為左史以舍人為右史

諫正

唐武后垂拱中置拾遺補闕掌諷諫中宗以來有  
左右開元時左屬門下右中書會要云垂拱元年  
二月二十九日也宋朝會要曰雍熙五年二月詔  
改補闕為左右司諫拾遺為左右正言蓋太宗欲  
令諫官修其職業故改其官號也然周禮地官之  
屬有司諫則周已名官矣唐書朱滔傳建中三年  
滔僭稱王後二年聘張遂王道為司諫則滔又以  
此名立官也

中書令

舜納言周內史皆中書之任也漢武游宴後庭始  
宦者典事尚書謂之中書謂者置令不言謂者省  
受也通典云唐百官志則曰秦始置中書謂者漢  
元帝去謂者字漢魏品卑而任重隋文帝廢三公  
府寮令中書令與侍中知政事遂有為宰相職林  
以謂漢成帝建始四年改中書謂者令曰中謂者  
令以士人為之魏文帝黃初初改秘書令為中書  
令也

中書侍郎  
漢武帝置中書領尚書事有令丞郎魏黃初初置

通事郎後改曰中書侍郎唐志曰晉加侍字  
中書舍人

初學記曰魏世中書始置通事一人明帝時有通  
事劉泰是也高貴卿公改曰通事都尉尋為通事  
侍郎晉初置舍人通事各一人東晉各為一職梁  
始掌詔誥其後除通事直曰中書舍人舍人本周  
官掌平宮中之政

尚書令  
三代冢宰之職也秦漢置尚書令於百官無所不  
至漢武元鼎二年始以張安世為之初學記曰秦

官也漢因之

僕射秦御史記始皇本紀有僕射周青臣是也古者重

武以善射者掌事故曰僕射僕射者僕役於射也

一云僕主也古有主射以督課漢因秦事自侍中

謂者博士將軍屯永巷洎尚書皆有之成帝建始

元年初置尚書五人一人為僕射此蓋其始也獻

帝建始四年以邵榮為左僕射衛臻為右僕射置

左右丞始也

左右丞始也

秦置尚書丞一人漢成帝建始四年置四人光武始減其二分左右佐令僕之事唐以來在尚書之下宋朝官制改陞在上又為執政官

六尚書

尚書秦官秦時少府遣吏四人在殿中主發書故

謂之尚書劉向新序曰齊宣王為太室香車諫王

召尚書尚書之名則七國時已有其官矣晉志曰

漢光武始分尚書為六曹通典曰漢初尚書雖有

曹名不以為號及靈帝以梁鵠為選部尚書於是

始見曹名漢百官表曰成帝建始四年始置尚書

四人續事始云尚主也出納王命敷奏萬機政令  
所由宣選舉所由定罪賞所由正李固曰尚書猶  
天之北斗斟酌元炁運平四時

分行

唐會要曰武德令吏禮兵民刑工正觀即吏禮民  
兵刑工光宅元年九月五日改爲六官準周禮通  
典曰周禮天官冢宰掌邦六典以佐王理邦國漢  
成置四尚書因事設員非擬於古光武分六曹稍  
以周禮唐武后遂以吏部爲天官戶部爲地官禮  
部爲春官兵部爲夏官刑部爲秋官工部爲冬官

以承六官之制國初以吏兵戶刑工禮爲次神宗  
行官制復唐故事又以吏戶禮兵刑工爲次也

子司其事自漢東京故事

又曰故事以兵吏及左右司爲前行刑戶爲中行  
工禮爲後行每行各管四司以本行爲頭司餘爲  
八子司自唐制始也

二十四司

自秦始置尚書而歷即曹多寡不等少或十二亦  
至三十六隋有天下尚書有六曹二十四司即今  
都省列曹是也其制自隋始也

子司印漢書其出其除自謂故也  
唐會要曰故事凡尚書省除吏部兵部外共用都司印至聖曆二年二月九日初備文昌臺二十四司印本司即官主之

八座

後漢以六曹尚書并令僕為八座梁齊亦有稱隋唐至今令僕為宰相故六尚書及左右丞為八座不蓋其事自漢東京始也

六侍郎

漢制尚書郎三歲稱侍郎隋煬帝即位於尚書六

曹各置侍郎一人按漢百官表有侍郎秩比四百石也

郎中

漢置尚書郎初止稱守郎中晉武帝始置諸曹郎中唐以來號正郎武德三年尚書郎改為郎中按秦有郎中令臣瓚以為主郎內諸官則郎中秦官也

員外

隋開皇三年尚書二十四司各置員外郎一人以司其曹帳籍則即置員外自隋文帝始也按漢書



惠帝即位賜爵外郎滿六歲作二級則隋置負外郎亦取漢事云爾常述唐兩京記曰晉宋以來始置負外郎

左右司

隋煬帝即位尚書都司初置左右司即一人副左右丞唐又置負外郎諸司號為都公唐書百官志云天后永昌元年置左右司負外郎各一人也

吏部  
漢初曰常侍曹後漢為選部魏始曰吏部按周官司馬之屬有士司為下大夫通典則以為吏部之

始疑出於此也

司封

左傳晉文公為執秩以正其官杜預云謂主爵秩之官蓋今司封職也漢尚書有封爵之任後漢馮勤是也北齊有主爵職林曰唐龍朔二年改為司封通典以為光宅元年

司勳

周禮夏官司馬之屬有司勳掌賞地之法後周始置其官於尚書省通典云後周吏部有司勳上士考功

漢京房作考課之法而其職不在尚書光武改尚書三公曹主歲考課至此始為尚書職魏初置考功亦唐虞考績之事也而周禮亦有考功記云

戶部

周禮地官之掌也漢置尚書四人一主財帛委輸即今戶部任矣吳始有戶部名通典曰吳孫休即位戶部尚書讀奏是也周禮司民掌通萬民之數即戶部任也

度支

通典曰漢張蒼善算以列侯主計領郡國上計者

始今度支之任也魏文帝始置度支尚書唐以為子同

金部

周官職金掌錫石丹青之令則金部之職也魏世始置尚書金部郎

倉部

周官倉人主藏九穀廩人主其數調賜稍食則倉部之職也魏時尚書始置倉部郎

禮部

唐虞秩宗周官宗伯皆今禮部之任也後周有禮

部不言職事隋以典儀曹其名命自宇文周始也

祠部

魏代始於尚書置祠部曹蓋其官自魏始也歷代因之不改

主客

漢成帝初置尚書客曹光武分置南北客主於此遂以名曹

膳部

即周官膳夫也晉有左右士曹北齊曰膳部

兵部

兵部今更之曰兵部

周禮夏官司馬之職也魏有五兵尚書晉宋為七兵後周始曰兵部

職方

周官有職方氏掌天下九州之圖隋初有職方侍郎通典曰後周依周官有職方也

駕部

周官輿司馬校人牧師巾車之職皆駕部之事也魏晉之代尚書始置駕部郎

庫部

周官司甲掌戈盾弓矢則今庫部也魏尚書始有

庫部郎也

刑部

唐虞之師周禮司寇皆刑部之任也光武謂之賊曹為尚書職後周始有刑部大夫則刑部自宇文周始也

都官

漢司隸屬有都官從事掌中都官不法事此名官之初也光武改成帝二千石曹掌中都官水火盜賊魏青龍二年始置尚書都官郎佐督軍事

比部

魏尚書有比部曹通典曰北齊比部掌檢勾事唐天寶十一年改掌諸司公廨公私欠負及勾用度木物也

司門

周禮有司門通典曰後周依周官有司門隋初為真司門侍郎煬帝除侍字也

工部

唐虞共工在周禮為冬官之職漢置民曹光武改主繕脩工作池苑魏為左民晉尚書為起部即後周始曰工部也

屯田

漢昭帝始置屯田而成帝置尚書郎一人主戶口  
墾田此蓋尚書屯田之始也魏代為農部晉始有  
屯田尚書則屯田名曹在晉世也

虞部

舜命益作虞周禮有虞衡之官蓋虞部設官之本  
魏始置虞曹郎後周改曰虞部

水部

周禮夏官有司險掌溝塗蓋水部之職也魏尚書  
始有水部郎

持憲儲闡部第二十三

凡三十事

御史大夫

周禮春官宗伯之屬有御史掌贊書戰國時秦趙  
會澠池各命御史書鼓瑟擊缶之事淳于髡謂齊  
王曰御史在前則上世皆為記事之官也秦漢以  
來始糾察風憲然則御史蓋周官也秦置御史大  
夫以為御史之率故曰大夫

中丞

漢初御史大夫有兩丞一曰御史丞一曰中丞初  
學記曰秦官漢因之謂之中丞以其別在殿中掌

蘭臺秘書外督部刺史內領侍御史故云成哀間  
更名御史長史光武復曰中丞

獨坐

後漢宣秉傳曰光武建武元年秉拜御史中丞特  
詔與司隸校尉尚書令並專席而坐故京師號曰  
三獨坐今中丞亦循其制始自漢東京迄今為故  
事也

侍御

周為柱下史秦時張蒼為御史主柱下方書是也  
亦為侍御史是則侍御之官始於柱下也漢始有

侍御史又有繡衣侍御史蓋自武帝置也後漢亦  
有之隋直曰侍御史漢書朝議以范丹為侍御史  
是也韓朗以侍御史與三府掾治楚獄是也

端公

唐侍御史之職有四謂推彈公廨事臺內之事悉  
至之號為臺端他人稱之曰端公其語自唐始也

南床

唐制御史故事食坐之南設橫榻謂之南床殿中  
監察不得坐也唯侍御坐焉凡侍御例不出累月  
而遷南省者故號為南床今猶有是循唐故事也

殿中

魏蘭臺遣御史居殿中察非法即殿中侍御史之始也

監察

初秦以御史監理諸郡謂之監察御史蓋監察名官之始也隋文帝開皇三年始曰監察御史宋朝會要曰太平興國三年以張異為監察御史先是三院多外任風憲之職用他官領之遂詔正名舉職自此始也宋朝之制凡職事官皆他官領之惟三院御史自是始正其名也

裏行

唐太宗初置此官自馬周始也初馬周以布衣任事詔令於監察御史裏行遂以名官舊唐書志云正觀初也龍朔元年八月以王本立為監察裏行唐會要以謂裏行之名始於此非也六典亦云始於馬周宋朝行官制始省之續事始曰太宗時疑未以名官自高宗始以命官云

三院

唐憲府故事侍御殿中監察呼三院故今亦斥殿中曰殿院監察曰察院自唐室始也

六察

唐百官志曰監察御史分察尚書省六司興元元年一人察吏禮部一人察兵工部一人察戶刑部歲終議殿最元和中以新人不出使無以觀能否乃命專察尚書省號六察唐會要云元和四年五月御史臺奏舊例監察御史從下第六人各察尚書省一司是也宋朝會要曰國家每入閣國忌臨時差六察吏察兵察戶察刑察禮察工察元豐中神宗始置六察司於御史臺

知雜

唐武后以來呼侍御曰端公侍御之職四自雜侍臺侍悉總判之故知雜事者曰雜端後又有以即中負外兼侍御而知雜事者亦呼雜端官制行省

左右巡

唐會要曰正元十年四月勅準六典殿中侍御史分知左右巡察其不法之事按六典自明皇時作則左右巡之置亦其時事也通典曰殿中侍御史自開元初知左右巡百僚班序有雜立失言頑而不肅者則以禮罰之是則此制自開元始也李肇



國史補曰玄宗開元初至天寶末年置御史左右  
巡使也

臺簿

漢有此官張忠為御史大夫署孫寶為主簿是也  
疑漢官云宋朝會要曰淳化四年六月始置二人  
後止一員也

檢法

唐置御史臺推直官而無檢法宋朝元豐中神宗  
正官制除推直始置檢法之官

六傳

夏商雖世嗣而太子之名亦略矣其師傅之官亦  
無文至周始見文王世子故禮之所記班班僅可  
推攷文王世子曰凡三主教世子立太傅少傅以  
養之太傅在後入則有保出則有師則太傅之原  
槩舉於此矣武王又稱太子也漢止有太傅少傅  
至晉有天下慙懷建官乃置太子太師太傅太保  
洎三少為六傅也漢賈誼上疏云保保其身體傳  
傳其德義師道之教訓此三公之職也又於是為  
置三少皆選天下之端士故太子聞正言行正道  
習與正人居不能無正則六傅之說似漢有之然

諸傳無其說亦可疑焉

賓客

漢高祖欲易太子呂后用留侯計迎四皓以定太子故賓客之名始起於此孝文為太子立思賢苑以招賓客孝武為太子立博望苑使通賓客洎晉愍懷建宮惠帝使衛庭司馬略等五人更往來備賓友雖非官而謂之東宮賓客唐顯慶元年正月以于志寧等為太子賓客遂以名官定置四人蓋取法於四皓

詹事

秦官掌太子家歷代因之通典曰東宮官序秦漢加置詹事庶子及諸府率官也應劭曰詹省也給也漢官儀曰秦官實嬰景帝即位為詹事孔霸宣帝時為太子詹事

庶子

禮記燕義曰古者周天子之官有庶子周禮夏官司馬之屬謂之諸子秦置中庶子詹事員漢因之晉以為東宮官晉書鄭默為中庶子朝官以為太子官是也隋分左右通典曰品官命數篇漢有太子庶子魏有太子中庶子則非晉以為東宮官也

少詹事 唐始於詹事府置少詹事一人以貳詹事

唐龍朔三年初置太子左右諭德蓋取文王世子教之以事而諭諸德之義

太子侍讀

漢宣帝詔王褒等皆之太子宮娛侍太子朝夕誦讀此蓋其始也宗有諸王侍讀唐正觀中許叔牙為王侍讀高宗升春宮仍兼侍讀職林云開成元年十一月宰相李石奏置太子諸王侍讀

太子侍講

後漢張酺以尚書講論授皇太子其事始見於此魏官品始有太子侍講此置官之始也

中舍人

晉咸寧中初置太子中舍人官宋朝神宗又置之唐以來有太子中舍而無中舍人

舍人

秦官唐龍朔二年改為太子右司議郎咸亨元年復為太子舍人宋朝初亦不置神宗正官制復置

翊善

宋朝王府之官多省不置別置翊善曰某王府翊善蓋古王傅之任而輕其名位也宋朝會要曰太平興國中始置也又云八年三月以戴元為衛王府閭象為廣平王府楊可法等為皇太子翊善蓋自此始也

王侍讀

宋武帝初以徐受為晉安王子勛侍讀此王府侍讀之初也唐志曰開元初十王宅引辭學工書者太入教亦為侍讀

王侍講

宋朝省王府餘官而別置侍講一員

記室

魏置太祖以陳琳阮瑀為記室掾其官始見於魏武之世矣宋用晉制自明帝後皇子弟雖非都督亦置記室參軍則記室而為參軍晉官也宋朝亦置於諸王府曰某王府記室也

官教

宋朝會要曰至道元年以孫贛充皇姪皇孫教授從新號也時中書言唐文宗朝李石奏太子有侍

讀諸王亦有無隆殺今皇姪皇孫官是環衛請以教授為名此蓋王官教授設官之初也皇姪皇孫

宮總九寺卿少部第二十四凡三十九事

九卿漢書王莽曰其王莽官室也禮記曰夏后氏百官始置九卿漢九卿俱不以卿名官梁武天監七年始加卿字是二十餘與非卿者

少卿置太師太傅太保後魏官氏志云太和十五年初置少卿以卿為大

卿陳書王莽始置少卿太常漢書王莽始置少卿

亦周禮春官職也秦有奉常漢初改曰太常蓋秦官也初學記曰高祖改漢百官表曰景帝中六年

更漢書王莽始置少卿太常丞漢書王莽始置少卿

秦秦置官漢為太常亦曰太常丞漢書王莽始置少卿

太常簿漢書王莽始置少卿漢有之疑漢官漢書王莽始置少卿

太常博士漢書王莽始置少卿魏官也魏文帝初置之顏師古注漢書曰太常王

者旌旗畫日月大事則建以行禮官王奉持之故漢書王莽始置少卿

曰奉常後改曰太常尊大之義也

協律郎

太漢武帝置律協都尉以李延年始為之晉改為校

尉後魏曰協律郎蓋漢武以延年善新聲故特為

置協律

奉禮郎

太漢太鴻臚有治禮郎蓋設官之始也按通典歷代

皆為治禮郎唐初亦有掌設板位執儀行事永徽

二年以講改為奉禮杜佑云奉禮本名治禮國家

撰五代史志至永徽七年乃成於時此官已改故

北齊及隋治禮皆為奉禮奉禮之名雖見於史其

改始自永徽

太祝

商官六太其一曰太祝在周禮為禮官宗伯之屬

掌六祝之詞秦漢有丞隋除令丞止存太祝

齋郎

魏始有太常齋郎唐有太廟郊社之別唐洎國家

其久次者太廟又補室長郊社即補掌坐掌次謂

之黃衣選人祖宗以來又以為朝臣子弟起家之

官

郊社令

梁始有太常令後周為司社上士隋於太常寺置郊社署故為郊社令宋朝避英宗嫌名改曰局藉田令

周為甸師漢文帝初立籍田乃置令也

太醫令

周禮天官冢宰之屬有醫師上士下士掌醫之政令聚毒藥以供醫事秦為太醫令丞漢因之

宗正

周官也在周禮實小宗伯之職宋百官春秋曰周

封兄弟之國十有五同姓之官三十有五選其宗中之長而董正之謂之宗正秦因其說置宗正兩漢皆授皇族不雜姓晉始兼庶姓也舊唐志曰星經有宗正在帝座東南漢高紀七年二月置宗正官以序九族

宗正寺丞

漢置官亦用公族

宗正簿

梁置官也

宗正司

林希兩朝寶訓曰景祐三年仁宗謂輔臣曰宗室子孫衆多聚居必以尊賢者糾合之詔置太宗正司擇祖宗後各一人命之首以濮安懿王與守節任其事後又有同姓庶官知丞事神宗時乃參用光祿

漢書曰秦郎中令掌宮殿掖門武帝太初元年更名光祿勳通典云梁除勳字曰光祿卿續事始曰秦掌宮殿門戶郊祀王諸郎將在殿中侍衛北齊兼掌膳隋全掌諸般膳不掌宮殿光祿丞簿

皆漢所置應劭曰光明也祿爵也

太官令

周官膳夫庖人外饗皆其任也秦置太官令屬少府漢不改晉屬光祿後魏分太官為尚食知御膳太官掌百官之饌

衛尉

秦官也掌宮門衛屯兵之職尉尉也古兵獄之官皆以尉言所以尉羅姦邪也衛尉丞簿皆秦漢所置也



太僕

周禮夏官司馬之屬有太僕下大夫尚書罔命穆王命伯冏為周太僕正則太僕周官也應劭曰蓋太卿眾僕之長

太僕寺丞

秦漢有此官也

太僕簿

梁始於太僕置主簿

大理

齊職儀曰古官也管子曰黃帝得后土辨於四方

使為李春秋元命包曰堯為天子得臯陶為大理舜時為士官韓詩外傳有晉文公使李離為大理春秋左氏傳衛侯與元咺訟士榮為大理新序楚平王以伍奢為大理則大理自古有矣秦為廷尉漢景帝中元中更名大理蓋漢復古號也舊唐書志曰取天官貴人之字曰大理之義即周禮士師之職孟詵錦帶前書載三代法官之名則曰士夏大曰大理也

大理寺丞

大晉武帝咸寧中曹志請建尉置丞北齊曰大理也

大理簿大理簿大理通典所載自魏晉以來歷代皆有之是疑魏置官大理正大理正秦置廷尉正禮記曰獄成告於職之正注云正周禮鄉師之屬則秦之置官亦法周也其名亦隋改云司直後魏永安二年御史中尉高穆奏置大理司直漢武初置司直之官屬丞相府謂之丞相司直疑大理之置司直亦取漢丞相司直為名爾淮南子曰

湯有司直之人許慎注云司直官名詩鄭風曰邦之司直然則漢之令官亦法古爾評事漢宣帝地節三年初置廷尉左右評魏晉無左右直曰評隋煬帝始曰評事

鴻臚鴻臚周官大行人也于寶曰亦周禮象齊之職漢書曰秦為典客掌諸侯四方歸義蠻夷漢改曰大鴻臚徐堅云漢改之漢百官表曰太初元年更也梁除大字應劭曰鴻聲臚傳之也傳聲替道也劉熙曰

鴻臚鴻臚周官大行人也于寶曰亦周禮象齊之職漢書曰秦為典客掌諸侯四方歸義蠻夷漢改曰大鴻臚徐堅云漢改之漢百官表曰太初元年更也梁除大字應劭曰鴻聲臚傳之也傳聲替道也劉熙曰

鴻大也臚陳也欲大以禮序陳賓客也馮鑑續事始曰楚云連放漢為典屬國按漢世典屬國自為一職非鴻臚之任也

鴻臚簿

唐因陳隋之舊有鴻臚主簿一人

鴻臚寺丞

秦典丞也其名蓋隋所改

司農

少昊九農正也舜為后稷秦為治粟內史漢景更為大農令武帝太初元年改為太司農魏文帝黃

初中止曰司農

司農寺丞

秦治粟丞也漢置丞十三人為勸農官後改司農

亦曰司農丞

司農簿

晉太康中始置司農主簿

太府

周禮天官冢宰之屬有太府下大夫梁武帝天監七年始置大府卿續事始則云梁天監中置少府卿後魏大和中改

太府丞簿

周禮太府上士，即丞職也。下士，即簿職也。梁置太府卿，則丞簿二官亦梁置也。續事始曰魏也。

秘殿掌貳部第二十五 凡二十六事

秘書監

漢桓帝延熹二年始置秘書監一人

秘書少監

隋煬帝始置秘書少監一人

秘書丞

齊職儀曰漢獻帝置秘書令丞二人，魏文帝分秘

書別掌文籍，自置丞一人，此蓋置官之始也。或曰魏武帝置也。

秘書郎

通典曰後漢馬融為秘書郎，當是其官自漢置也。

職林曰魏官也。初漢置秘書郎，蓋中書之任。魏分

秘書掌文籍為秘書郎，中宋除中字。

校書郎

又曰西漢蘭臺後漢東觀皆藏書之室，當時文士雖校於中，故有校書之職，而未為官。後以即居其任，故謂之校書郎。元魏始命以為官，續事始曰續

漢書云成帝置以傅毅馬融為校書郎掌審定讎校圖書

正字

漢桓初置秘書監掌圖書古今文字考合同異今正字之官蓋其遺意也齊集書省有正書官北齊始為正字

著作郎

漢東京使名儒碩學入直東觀撰述國史謂之著作以他官領之未以為官也魏明帝太和中始置著作郎晉元康二年又謂之大著作

著作佐郎

魏代又置著作郎宋齊已來遷佐於下曰著作佐郎

太史令

少昊鳳鳥氏為歷正夏后曰太史周禮為春官宗伯之屬秦為太史令唐乾元元年改曰司天監宋朝神宗正官名復為太史令

太史正

唐長安二年置太史令二人開元以後以令為監改令一員為少監國家亦曰司天監少監官制改

除少監置太史正

太史丞

司馬彪續漢書曰太史有丞一人歷代同之疑漢官也

直長

後漢有太史史隋城門御府殿內皆有直長而太史無之宋朝正官神宗始置太史直長

五官正

通典曰唐乾元元年改太史局為司天置五官正謂春夏秋冬中五官也

靈臺郎

唐改太史為司天監掌天文歷數風雲氣色其小史有靈臺郎時乾元元年也

保章正

周禮春官宗伯之屬有保章氏掌天文以志星辰日月之變動辨其吉凶此蓋其官之始也唐乾元元年改監其小史有保章正則是唐改周官保章氏為正也

挈壺正

又夏官司馬之屬有挈壺氏掌挈壺以令軍井然

則亦周置官也唐乾元元年始改太史為司夫其  
小吏有靈臺郎保章正也

殿中監

魏始置殿中監蓋分門下太僕二局以為其職也

殿中少監

隋煬帝大業中初置殿內少監唐復殿中之名亦

殿中丞

此官蓋與少監同隋大業三年所置也其名改易

同少監云

奉御曰尚食

北齊門下省初置典御之官隋改曰奉御以隸殿

中省

尚食

如漢曰掌天子之物曰尚秦置六尚乃有尚食則

尚食秦官也

尚藥

梁陳以來皆為太醫兼職亦秦所置六尚之一也

尚醞

唐已前有尚乘無尚醞宋朝元豐中官制行則置

此官也

尚衣

周有司服為禮官之屬戰國始有尚衣尚冠之職  
北齊制主衣階復曰尚衣也左氏曰昔虞闕父為  
周陶正注云陶復陶也陶正主君上之衣服此尚  
衣之始也

尚舍

周禮天官有掌舍凡舍事則掌之漢官有守宮舍  
於魏則殿中職也隋煬帝別置殿內監改舊殿中  
局曰尚舍

尚輦

周官有中車秦漢為車府今隋煬帝初置殿內省  
置尚輦也

五監總率部第二十六 凡二十二事

國子祭酒

孫卿在齊為三老稱祭酒漢吳主濞為劉氏祭酒  
又漢博士內聰明有威重者一人為博士祭酒胡  
廣曰凡官名祭酒皆一位之元長古者得主人饌  
則老者一人舉酒以祭地故以祭酒為稱晉咸寧  
中初立國子學始置國子祭酒六帖曰堯典克明



俊德以親九族九族既睦平章百姓周封兄弟同  
姓成王時彤伯為祭酒主親屬秦漢因之又曰高  
祖七年自櫟陽徙長安置祭酒官續漢書有祭酒  
一人掌錄叙王國嫡庶及宗親遠近郡國歲所上  
宗室名通典云

國子司業

隋煬帝大業三年始於國子監置司業官取禮記  
樂正司業之義

國子監丞

亦隋置官與司業之官同置也

國子主簿

北齊初置國子主簿

國子博士

班固云六國時往往有博士漢多至數十人晉武  
初立國子學始置國子博士之官漢百官表曰博  
士秦官通古今

太學博士

通典曰漢武建元五年初置五經博士按趙岐孟  
子題辭云漢興孝文欲廣游學之路論語孝經孟  
子爾雅皆置博士後罷博士獨立五經而已

此今太學博士之職也晉江左增置國子博士六人始謂之太學博士品服同國博神宗元豐中官制行改舊直講之官復置太學博士職如經博士武也

武學博士

宋朝神宗熙寧中即武成王廟建武學置教授如國子監直講官制行亦改為武學博士律學博士

晉初置律學博士屬廷尉衛尉親置請律學博士輔相教授唐移屬國子監唐志曰武德初也

太學正錄

宋朝仁宗時胡瑗掌太學其正錄第補諸生以為學校職掌然不以命有官者神宗熙寧末興三舍始勅授命官亦為學官之例

少府監

秦置少府漢以來為九卿後魏孝文太和中易官品改少府曰太府隋煬帝大業五年又分太府監蓋少府之名本起於秦而為監自隋始也秦掌山海池澤之稅其屬官有尚方典工作事今少府所職乃漢尚方之事云

少府少監

隋始以少府為監又置少監以貳監事

少府監丞

漢所置官

少府主簿

晉初置之

將作監

少昊五雉為五土正與唐虞之共工同官考土之所記皆將作之任也秦始置將作少府漢景帝更名為大匠隋開皇中改將作寺曰監故大匠之名亦

更為監

將作少監

隋開皇二十年改將作大匠為大監初加置副監

煬帝大業五年改曰少監

將作監丞

漢置將作丞隋改監亦曰監丞

將作主簿

晉將作置主簿

軍器監

後周武帝初置軍器監則其官自宇文周始也

軍器少監

軍唐開元三年始於軍器監置少監及丞簿

都水使者

舜命益作虞蓋掌山澤之官周禮地官司徒之屬  
川衡澤虞即都水之任也秦始有都水長丞漢武  
元鼎二年初置水衡都尉又以都水官多復置左  
右使者此蓋設官之始也晉武省水衡置都水使  
者自此官名乃定

都水監丞

秦有都水丞漢又有水衡丞蓋武帝置水衡即置

之也晉除水衡有都水丞亦先秦之舊云

都水主簿

晉初於水衡有其官後隨府改也

大環衛中貴部第二十七 凡三十一事

上將軍

史記曰義帝以宋義為上將軍漢以呂祿為上將  
軍黃初中有上大將軍唐正元二年九月諸衛上  
將軍也老子曰君子用兵則貴右是以偏將軍處  
大左上將軍處右說苑田忌奔楚王問齊楚相并柰  
何對曰齊使申孺將則楚發五萬人使上將軍將

之則是春秋速戰國始有上將軍之官也

大將軍

戰國時始有大將軍之號隨事即置亦不主官劉  
劭爵制以謂秦十八爵太庶長即大將軍也左右  
庶長即左右偏裨將軍也楚懷王與秦戰秦虜其  
上大將軍屈平是也項羽時范增稱大將軍漢遂置  
大將軍開府如三公至煬帝於諸衛悉置

將軍

周禮天子六軍軍萬二千五百人其將皆命卿蓋  
在國稱大夫在軍稱將軍自晉獻公作二軍而公

將上軍故將軍之名特出於此左傳闞及汝寬借

謂魏獻子為將軍後漢百官志云初漢武將軍始

自秦晉以為卿號七國皆有其事漢以來其命官

之名極多謂之雜號也

諸衛

左傳楚潘崇掌環列之尹謂宮衛之官列兵而環  
王宮漢京師有南北軍掌理禁衛武帝初置衛將  
軍此名衛之始也秦有衛尉掌朝衛則衛亦先秦  
之舊制爾晉武重兵官選清重之士置中軍以統  
諸宿衛此諸衛之始也

金吾衛

秦有中尉漢武帝太初元年更名執金吾蓋取執金革以禦非常也周隋為武侯之職唐龍朔二年改左右金吾乘古名也

左右衛

漢有衛將軍魏末晉文王又置中衛武帝受禪分中衛為左右衛會要云唐武德元年因隋舊制有左右翊衛五年去翊字但曰左右衛矣來其命官

驍衛

漢有驍衛將軍謂之雜號武帝始以李廣為之梁

武衛

武帝天監六年分左右翼正平故置武衛將軍後漢末曹公為丞相有分營魏武帝置武衛將軍于隋始分左右續事始曰魏許褚從太祖破馬超遷武衛中郎將武衛之號自褚始也

屯衛

隋初為領軍府煬帝改為左右屯衛唐為威衛五代周太祖時避名復曰屯衛也六帖曰漢宣帝即衛位初置屯衛領軍衛

魏武為漢丞相府自置領軍非漢官也建安十  
二年改中領軍文帝受禪始置領軍將軍晉武初  
有左右監門衛  
監門衛  
舊唐志曰漢魏曰丞門校尉隋初有監門府將軍  
唐龍朔二年改府為衛  
千牛衛  
宋謝綽拾遺千牛刀入主防身刀也義取莊子庖  
牛備身掌執御刀唐顯慶五年始置左右千牛府

龍朔二年改府曰衛

諸率

自秦漢始有諸率以為東宮禁衛晉始置五率歷  
代因革不常遂分左右也

府率

秦官也晉武建東宮始置率此其始也

副率

隋制諸率府各置副率掌貳率事

衛率

秦置衛率府後漢主門衛晉武太始五年分左右

司禦率

隋文帝制左右宗衛其官如左右衛煬帝改曰率  
唐龍朔二年改為左右司禦衛後復曰率

清道率

隋文帝置左右虞候各置開府一人唐龍朔二年  
改為清道衛開元初為率府

監門率

隋有左右監門率掌門禁唐志曰武德五年改左  
右官門率也

內率

隋置左右率掌禁內侍衛唐為左右內率舊唐志

曰隋初置左右內率府擬上臺千牛衛也  
南班  
晉筆談曰宗子授南班官世傳王曾為相日始開此  
議不然也故事宗子無遷官法惟遇稀曠大慶則  
遷一官景祐中初定祖宗並配南郊宗子緣大禮  
乞推恩自此遂有南班之授近屬自初除小將軍  
七遷為節度使遂為定制熙寧元豐間祖免之外  
例授小使臣同庶官也

內常侍



秦置中常侍官，參用士人。給事殿省，隋避諱，改內常侍。小對班同班官也。如有左右衛將軍改曰內給事。周禮內小臣之職也。後魏有中給事中，後為中給事。煬帝改曰內承直。唐曰內給事。神龍元年，內侍省屬有內給事八人，是也。宋朝不置，臨事或攝。順都知。順都知曰宗子姓南班，有世勳。王曾為昨日故開此。南宋朝會要曰：國初有內中高品都知押班，今置都知副都知，並在景德三年五月云：爾然則其官自國家始也。宋史內侍省傳：內侍省始於漢，漢曰內侍，唐曰內侍省，宋曰內侍省。

押班

一作宋國初有內中高品班院，有押班。後隨省改易其名，號宋朝會要曰：初押班無他職，或加檢校官。淳化後始以崇班以上充此押班之始也。中祥符二年

內供奉

宋朝會要曰：雍熙三年置內供奉官，大中祥符二年二月宣入內侍省供奉官，改為入內侍省，內東西頭供奉官，內侍省供奉官亦同此例。

殿頭

又曰：太平興國八年始有入內殿頭高品，大中祥

符三年二月宣入内侍省殿頭高品為内侍殿

頭

高品

宋朝太宗興國八年又置高品至真宗祥符二年始為内侍高品云

高班

又曰雍熙三年置入内高班内品大中祥符二年

二月宣改高班内品曰高班

黃門

漢明帝永平中始置小黃門宋朝會要曰國初黃

門初補止曰小黃門經恩遷即為黃門黃門蓋漢官也歷代有黃門侍郎今門下侍郎是也

内品

宋朝會要曰雍熙三年置入内高班内品祥符二年改定有祗候高班内品祗候内品小内品雲部内品小内品入内内品掌門内品後苑内品散内品等神宗正官止存内品之名餘皆省也

事物紀原卷五終

事物紀原卷五

四十一



